



UNIVERSITÄTS-
BIBLIOTHEK
PADERBORN

**Henrici Canisi[i] Noviomagi, Belgæ, Jn Academia
Ingolstadiensi SS. Canonum Profess. Ordinarii & Primarii,
Opera Quæ De Ivre Canonico Reliqvit**

Canisius, Heinrich

Coloniae Agrippinae, 1662

In Tit. X. De Cognitione Spiritvali.

[urn:nbn:de:hbz:466:1-62169](#)

IN TIT. X. DE COGNATIONE SPIRITALI.

SUMMARI A.

1. Cognatio spiritualis qua & unde contrahatur.
2. Inter quos, quoad impediendum & dirimendum matrimonium.
3. Impedimentum hoc restrictum per Conc. Trid.

Cognatio triplex est: aut est spiritualis, aut legalis, aut naturalis. De spirituali: hoc Tit. de reliquis agitur Titulis tribus sequentibus.

1. Spiritualis cognatio hoc nomine inscribitur, quod ea contrahatur ratione Sacramentorum, quae spiritualia sunt; non quidem omnium, sed dum taxat Baptismi & Confirmationis, c. ult. eod. t. lib. 6. Etenim per Baptismum spiritualiter renascimur, & per Confirmationem perfectiores reddimur Christiani, can. 1, & 2, de consecr. diff. 5. Ut igitur per naturalem nativitatem naturalis cognatio nascitur, de qua inf. tit. De consanguin. & affin. ita per spiritualem, cognatio spiritualis. Atque hujus spiritualis cognationis quoque mentio sit apud Justinianum in l. Si quis alienam 26, circa fin. C. De nupt. imo apud D. Paulum, in epist. ad Rom. 16, cap. in vers. Salutant vos Timotheus &c. si ibidem Origenem antiquissimum Interpretem sequamur.

2. Ac in primis haec cognatio spiritualis contrahatur, quoad impediendum & dirimendum matrimonium, inter patrem naturalem & matrem baptizati, & suscipientem est baptismum, tamquam patrem spiritualem, qui & idcirco Compares appellantur, si quidem vir & suscipiens; si mulier, dicitur Commater, cap. Veniens 6, inf. h. t. & e. 1, eod. tit. lib. 6. Non autem contrahitur inter eorum liberos utrumque excepto rameno, qui baptizatus est, qui tantummodo prohibetur contrahere matrimonium cum liberis suscipientis, quasi inter se jam frater & soror sint, e. 1, e. 3, & c. 7, h. t. vel nisi consuendo Ecclesiæ Metropolitanæ, vel aliarum circumiacentium Eccle-

siarum prohibeat hujusmodi liberos utrumque conjungi, quam ierundam esse docet textus in d. c. 2, & 3.

Item contrahitur haec spiritualis cognatio inter patrem naturalem baptizati & suscipientis filios & uxorem, dummodo haec a marito suo ante cognita fuerit, alias secus, per text. in Martini 4, b. t. & d. c. 1, eod. in o, in can. Seiscvantur &c. si quis ex uno xxx q. 4, in uxore ratio est, quia cum per carnis copulam maritus & uxor una caro facta sit, necesse est, quod eadem pacem nitatis, que in marito est, in uxore quoque transfundatur. In filii vero suscipientis rationem jam antea diximus, quod scilicet sibi invicem sint frater & soror. Item contrahitur eadem cognatio spiritualis inter baptizantem, ejusque filios & baptizatum, d. c. 1, in 7, & c. fin. h. t.

Ex Confirmatione quoque spiritualis cognatio iisdem modis contrahitur, matrimonium similiiter impediens contrahendum, & contractum dirimens, c. 1, & 3, ex confirmatione eod. tit. lib. 6. Et haec quoad ius Decretalium.

Cæterum Concilium Trid. non nihil restringit; hoc impedimentum spiritualis cognationis. Cuius verba hic placet subiictere: Sancta Synodus statuit, ut unus tantum, sive vir sive mulier, iuxta sacrorum Canonum instituta, vel ad summum uetus & onus, baptizatum de Baptismo suscipiant; inter quos, ac baptizatum ipsum & illius patrem & matrem, nec non inter baptizantem & baptizatum, baptizatique patrem ac matrem tantum spiritualis cognatio contrahatur. Et paucis interjectis: Ea quoque cognatio, quæ ex Confirmatione contrahitur, confirmantem & confirmatum, illiusque patrem & matrem ac tenentem non egrediatur: omnibus inter alias personas hujus spiritualis cognationis impedimenti omnino sublati, textus est Conc. Trid. Sess. 14, c. 2, de reform. matrim. Ex quibus constat, quæ diximus de filiis suscipientis & uxore, item de filiis utriusque compatriis, abrogata esse.

IN TIT. XII. DE COGNATIONE LEGALI.

SUMMARI A.

1. Cognatio legalis qua.

2. Quamdiu duret.

3. An aquæ ex adoptione atque arrogatione pascatur?

4. M. 7